

## **ACTA DA SESIÓN ORDINARIA CELEBRADA POLA COMISIÓN INFORMATIVA PERMANENTE DE PERSOAL, SERVIZOS, REFORMA ADMINISTRATIVA E SEGURIDADE CIDADÁ O DÍA 24 DE MAIO 2013 ÁS 14:00 HORAS.**

Sendo as catorce horas (14:00) do día 24 de maio de 2013, reúnese en sesión ordinaria convocada ao efecto a Comisión Informativa Permanente de Persoal, Servizos, Reforma administrativa e Seguridade cidadá, coa asistencia das/os concelleiras /os que de seguido se indican.

### **Concelleiras/os asistentes:**

#### **Vocais:**

##### **Grupo municipal popular**

Santiago V. Amor Barreiro

Alfredo Taboada Alvelo

##### **Grupo municipal socialista**

José Manuel Miñones Conde

M<sup>a</sup> Isabel González Cancela

##### **Concelleiras/os non adscritas/os**

M<sup>a</sup> Pilar Candocia Pita

Susana Mallo Redondo

Olalla Alvite del Río

Xosé Anxo Doval Rey

M<sup>a</sup> Dolores Fernández Álvarez

Manuel J. Ferreiro Santiago

Alfonso Rey López

María González Gómez

Emilio Martínez Carballeira

Ramón García Argibay

**Presidente:** Don Santiago V. Amor Barreiro

**Secretaria:** Dona Rosa Ana Prada Queipo.

### **ORDE DO DÍA:**

#### **Punto primeiro.- Aprobación, se procede, de actas anteriores.**

Intervén a concelleira dona **María Dolores Fernández Álvarez** para expoñer que ten que facer unhas precisións respecto da acta que se somete a aprobación, a correspondente á sesión de 19 de abril de 2013. Manifesta, substancialmente, que cre que nesa sesión se falou moito mais do que se recolle na acta, poñendo como exemplo que se intercambiaron impresións sobre o voto ponderado e lembrando que a señora **secretaria** dixera que estaba derogado o cal ela considera que non é así, por estar recollido na Lei de Administración Local de Galicia e na propia xurisprudencia. Di que ao seu grupo lle chama moito a atención que isto non se recolla na acta, así como o resto das intervencións feitas por ela e os seus compañeiros.

Intervén a señora secretaria **Rosa Ana Prada Queipo** para dicir que nas actas das comisións informativas se recollen as intervencións moi sucintamente, xa que non se trata nin sequera dunha acta de pleno. Que recolle moi sucintamente o que considera máis substancial, tendo advertido que se algún membro da comisión quere que algo conste expresamente na acta o ten que dicir e así se fai.

Continúa a señora **Fernández Álvarez** dicindo que na acta da sesión de 19 de abril se recollen intervencións de varios concelleiros excepto dos do seu grupo, que

además de terse falado do voto ponderado tamén se falon doutras cuestións, como cando no pleno de organización se dixo que de haber varias comisións informativas no mesmo día só se cobraría a asistencia a unha delas.

A acta da sesión de 19 de abril de 2013 queda sobre a mesa e pendente de aprobación noutra sesión posterior.

**Punto segundo.- Moción do grupo municipal socialista sobre a supresión dos xulgados de paz como dos rexistros civís.**

O señor **presidente** cede a palabra ao grupo propoñente desta moción, intervindo a concelleira dona **Isabel González Cancela**, a cal, substancialmente, manifesta que o motivo está explicitado no texto da moción.

Intervén a concelleira dona **María Dolores Fernández Álvarez** para dicir, substancialmente, que cre que hai dous anteproxectos e que pensa que na moción se refiren só a un. Intervén o concelleiro do grupo municipal socialista don **José Manuel Miñones Conde** para dicir que o mirarán.

Tras un breve cambio de impresións o asunto é ditaminado favorablemente cos votos a favor dos membros do grupo municipal socialista e a abstención do resto dos membros asistentes á comisión informativa.

**Punto terceiro.- Modificación da representación do grupo municipal popular nas comisións informativas permanentes.**

Toma a palabra o señor **alcalde** para, substancialmente, explicar que a proposta pola cal o grupo municipal popular decide reformular os seus representantes nas comisións informativas figura no expediente.

Intervén a concelleira dona **Olalla Alvite del Río** para interesarse polo informe da Deputación que está pendente, así como polo regulamento, sendo contestada polo señor alcalde que o informe aínda non chegou e o regulamento non está ultimado.

Intervén o concelleiro don **Xosé Anxo Doval Rey** para preguntar se con esta reformulación dos representantes do grupo municipal popular nas comisións informativas seguen sendo sete membros, respondéndolle a señora **secretaria** que si.

Intervén o concelleiro don **Ramón García Argibay** para preguntar como quedaría a asistencia ás comisións informativas con esta reformulación, respondendo a señora **secretaria** que manténdose en sete o número de membros, o grupo socialista mantén dous representantes, o grupo municipal popular quedaría con dous, e os non adscritos seguirían a acudir todos en tanto non chegue e diga outra cousa o informe da Deputación, e que con este asunto só se modificaría a representación do grupo municipal popular.

Tras un breve cambio de impresións o asunto é ditaminado favorablemente cos votos a favor dos representantes do grupo municipal popular e das/os concelleiras/os non adscritas/os dona Pilar Candocia Pita, dona Susana Mallo Redondo, dona Olalla Alvite del Río e don Xosé Anxo Doval Rey e a abstención do resto dos asistentes á comisión informativa.

E non habendo mais asuntos de que tratar o señor presidente da por rematada a sesión ás catorce horas e trinta e cinco minutos do día de referencia de todo o que eu como secretaria certifico.